

Unyashungu a ki

“Unyashungu a ki, lakakaluya ulami a wuki w’ekoko uma lu nyoi la dikila dia sheki ya pundju, Khumesu Jesu, anyuluwanya lu elimu w’ololo tshe dia nyu ntsha lulangu landi, dia ntsha akambu weli la kenemo lu ashu andi, dia Jesu Kristu ! Lutumbu layali le ndi pundju pundju ! Ayali osoku !”
(Heberu 13:20,21)

Kristu Jesu eli ki kasu Khumadiondjo Jesu, Ulami a wuki w’ekoko, akatete “ki lu dikila dia l’utamba andi a mpeketanya.” (Kolosai 1:20). Khumadiondjo akafuti dibasa diasu lamakandaya-kimo ne dia kolo yasu.

Olembe wa Lukumu L’ololo eko wa: “Naka we ayushula l’unyo aye wati : Jesu keli Khumadiondjo, ndu naka we ayetawo l’utema aye wati :Unyashungu akawulula uma lu nyoi, ku we ayushimbamela. Afundelu mvutaka ati :Untu tshe layuwetawo, hutshama sonyi.”
(Romo 10:9,11)

“Okone nyunya akambu wa sonyi la wa kolo tshe. Nyetawo diui diunewo l’etema anyu la memakana ; dio mbeya nshimbela nyumu yanyu. Keli nyuyali atshi wa diui, aha ambuki atu, watuyadimbiyaka.”
(Jakoba 1:21,22)

Paulu akafundila asi Filipi ati: “Nyutshaki akambu wakanyenyi la wakanyuki ndu wakanyenyi le mi. Ku Unyashungu a ki ayuyala la nyu.” (Filipi 4:9)

Ki



Ki la Unyashungu

Eungelu k'antu weli bu la Unyashungu

“Nduku untu leli ololo, kuyanga otoi ... ne dia antu tshe wakatshi kolo, hawukumi lu yediko ya lutumbu la Unyashungu.”
(Romo 3:10,23)

Paulu akafundela ase Efeso ati: “Nyuho nyati : L'etena keso, nyu nyakakakitwama uma le Kristu ... Nyu tanyaki la elungamelu, tanyaki la Unyashungu lu kete nye. Keli kakiane, nyu wane waki établi le Kristu Jesu, nyambusukana lu dikila dia Kristu. Ne dia ndi keli ki kasu.”
(Efeso 2:12-14)

Khumadiondjo Jesu akayi “dia mpetela wane wudjashi lu udjima la lu didjidji dia nyoi; dia nombombola ekulu asu lu mbuka ka ki.”

(Luka 1:79)

Khumadiondjo Jesu akete “ki lu dikila dia l'utamba andi a mpeketanya.”

(Kolosai 1:20)

“Lam'akisu weodu, lam'akakuki etena kako, Kristu avavwela amonyodi wa Unyashungu. Eko wulu untu mvwela untu ololo. Keli mbeyaka nkikitsha utema dia mvwela untu ololo undu. Keli Unyashungu akatenya ngandji kandi ne dia Kristu akatuvwela Lam'akisu antu wa kolo.”
(Romo 5:6-8)

Khum'ekanga Davidi akati dia “untu lakadiya Unyashungu ololo waha uma l'etsha andi, la, untu lukanga uhedia wambudimanyema, lukanga kolo kambukumbama eli la otshoko, untu laha la unungu la ntundu ka Latuyalaka, ndu laha la lukesu l'utema andi, eli la otshoko.”

(Romo 4:6-8. Esambu 32:1,2)

“Okone shu tambuyindjama uma lu mbetawo, mbesu la ki lasasu la Unyashungu uma le Khumadiondjo Jesu Kristu.”

(Romo 5:1)

Ki ka Unyashungu

“Khumadiondjo aya suki. Tanyuyakananyaki, keli lu akambu tshe, nyuti ehumba anyu le Unyashungu lu dombelo la osengosengo kame la eukelu ka lusaka. Okone ki ka Unyashungu, kuleki yimba tshe, ayulama etema anyu la tukanyi tanyu le Kristu Jesu.”
(Filipi 4:5-7)

Khumadiondjo Jesu akati ati: “Nyuyi Nyuyile mi, nyu tshe watukambaka ndu weli la wetshu wa wulu, Ku dimi layunyusha mumuya. Nyembe lokoho lami, nyeki akambu uma le mi. Ne dia dimi la memakana la ndjakitshakitsha l'utema, Ku nyu nyayutana mumuya l'etama anyu, ne dia lokoho lami leko ololo la ushiko ami weko usadi.”

(Mateu 11:28-30)

Ki ka mete

Jesu akati ati: “Dimi lambunyutshikela ki. Ki kami kamumunyusha. Aha uku watushaka wa la kete mbamumunyusha to. Etema anyu tawudidimaki, tawukaki woma.”
(Joani 14:27)

“Lu alombelo tshe la esengosengo, nyolombaki tena tshe le Nyuma Nyutetemali nsena, nyolombelaki ekilami tshe.”

(Efeso 6:18)

“Osoku mbatutukimanyia Nyuma lu weodu asu, ne dia shu hatuteyaka kene kukukisu nomba lu alombelo asu. Keli Nyuma ndame atuteteketelaka la emumu waheyama mvuta. One latushishimaka etema mbeyaka tukanyi ta Nyuma ne dia Nyuma atonteteketelaka Ekilami uku lulangu la Unyashungu. Shu mbeyaka shati : Unyashungu atukambaka ololo kame la wane watuwukaka ngandji, wane wakandeti uku esangweyu kandi.”
(Romo 8:26-28)